



здравствуйте. Писанъ у Богоспасаемомъ градѣ *Перемышлѣ*,
дня 19 авг. 1592.

Василій Панковичъ мѣщанинъ премыскій со всею куп-
но братнею своею.

(Съ подлинника, находящагося въ Архивъ *Ставроп. Львов.*
Института).

Примѣч. Въ отвѣтъ на это письмо (которое, замѣтимъ, своими литературными недостатками наглядно подтверждаетъ сѣтованіе перемышльскаго братства о низкомъ уровнѣ школьнаго образованія въ его средѣ) львовскіе братчики отъ 24 авгус. того же 1592 года писали въ *Перемышль*: „якоже прежде вашего честнаго епископа писаніе такожде и ваше любезное восприемше, извѣстихомся увѣдѣвши истинное желаніе ваше, дабы преподатися отъ насъ граду вашему чинъ братства якоже подобаетъ во вѣчныя роды и чинъ школьнаго ученія. Общаго спасенія ради, вся дѣйствующе во славу Божію и въ похвалу православныхъ святыхъ коеволическия церкви, увѣдѣвши же ваше желаніе зѣло честно и Боголюбезно посылаемъ любви вашей, якожь и прочіимъ градовомъ, блѣгочестивымъ христіаномъ и чадомъ вашимъ *Александра дидаскала* правовѣрна и честна и благопотребна, и вся надлежащая съ нимъ, да устроится во всемъ, вся по ряду братства и школьнаго ученія чинъ совершеннѣ и Богоугоднѣ. Аще ли ни, то таковой скорѣ да возвратится съ подобающею честію и вся наша съ нимъ, вы же пребудѣте якоже вамъ годѣ“. (*Księga korespondencji Bractwa Staropolskiego w roku 1592.*, рукоп. ставр. Инстит., № 392, стр. 53).

IX.

Письмо перемышльскаго епископа *Михаила Копыстенскаго* ко Львовскому Братству по дѣлу о *дидаскалахъ*.

1592 г. авг. 30.

Якоже прежде писахомъ до Васъ, желаячи сиецаго *дидаскала* для школьнаго ученія и общаго ради спасенія, дѣйствующе во славу Божію и въ похвалу православныхъ свя-



тыя церкви якожь общалисься В. М. до мене Богомолца своего сие содѣлати, вѣдомо да есть вамъ, по Господню изволению маемо се зде Александра правовѣрна, честна и благопотребна дидаскала, который благочестно живучи начинаетъ чинъ творити школьнаго учения и насыщаетъ брашномъ душевнымъ по изволению Божию и благословениемъ нашимъ, и видячи сие отъ него утѣшихомся zelo... И къ сему желаю васъ, да бысте увидѣвши возрадовалися о благословенію, которое содѣлывается у епископіи нашей и къ помощи Александрови якового младенца В. М. рачте се зде прислати, понеже онъ самъ не можетъ сие содѣлати, молю же сие писаніе наше собѣ благо пріемши младенца наученаго прислати рачте. За сие Господь Богъ подасть вамъ жизнь вѣчную; а я вставичне Господа Бога буду просити яко и вставичне прошу, абы Господь благословенствомъ своимъ святымъ на много лѣтъ В. М. ховати рачиль. Затымъ милости Божии и нашего смиренна молитва пребываетъ В. М. всегда. Данъ у Велѣнчачъ, мѣс. авг. 30 дня, року 1592.

Всего добраго зычливый и Богомолца уставичный всехъ купно В. М. братій

Михаилъ Копыстенскій, волею Божию смиренный епископъ премышльскій и сомборскій.

(*Съ подлинника, находящагося въ архивѣ Львов. Ставроп. Института*).